

ՊԱՅՄԱՆԱԳԻՐ N 1/26-BSL

«ԳԻՏԱԿԱՆ ԳՐԱԴԱՐԱՆԱՅԻՆ ԾԱՌԱՅՈՒԹՅՈՒՆՆԵՐ»
ԾՐԱԳՐԻ ՖԻՆԱՆՍԱՎՈՐՄԱՆ ՄԱՍԻՆ

ք. Երևան

«29» դեկտեմբեր 2025 թ.

Բարձրագույն կրթության և գիտության կոմիտեն (այսուհետ՝ Կոմիտե), ի դեմս գլխավոր քարտուղարի պարտականությունները կատարող Կարեն Բորիսի Ղարիբանի, որը գործում է Կոմիտեի կանոնադրության հիման վրա, մի կողմից, և ՀՀ ԳԱԱ «Հիմնարար գիտական գրադարան» ՊՈԱԿ-ը (այսուհետ՝ Կազմակերպություն), ի դեմս տնօրեն Մայա Հովհաննեսի Գրիգորյանի, որը գործում է Կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), հիմք ընդունելով Հայաստանի Հանրապետության կառավարության 2025 թվականի դեկտեմբերի 25-ի «Հայաստանի Հանրապետության 2026 թվականի պետական բյուջեի կատարումն ապահովող միջոցառումների մասին» N 1910-Ն որոշումը՝ կնքեցին սույն պայմանագիրը (այսուհետ՝ Պայմանագիր)՝ հետևյալի մասին.

1. Պայմանագրի առարկան

Գրադարանային հավաքածուների պահպանման և համալրման, ընթերցողների սպասարկման, գրադարանային միջոցառումների կազմակերպման նպատակով Կոմիտեն Հայաստանի Հանրապետության 2026 թվականի պետական բյուջեի «Գիտական գրադարանային ծառայություններ» միջոցառմամբ (այսուհետ՝ Ծրագիր) նախատեսված 150 630 100 (մեկ հարյուր հիսուն միլիոն վեց հարյուր երեսուն հազար մեկ հարյուր) ՀՀ դրամ գումարը հատկացնում է Կազմակերպությանը:

2. Կողմերի իրավունքները և պարտավորությունները

- 2.1 Կոմիտեն իրավունք ունի՝
 - 2.1.1. ստուգելու Կազմակերպության կողմից Պայմանագրով ստանձնած պարտավորությունների կատարման ընթացքը,
 - 2.1.2. պահանջելու Պայմանագրի կատարման ընթացքի վերաբերյալ ֆինանսական և այլ փաստաթղթեր, ինչպես նաև անհրաժեշտ տեղեկատվություն:
- 2.2. Կազմակերպությունն իրավունք ունի հրաժարվելու պարտավորությունների կատարումից՝ Ծրագրով նախատեսված գումարը չհատկացվելու դեպքում:
- 2.3. Կոմիտեն պարտավոր է Կազմակերպությանը տրամադրել նախատեսված ֆինանսական միջոցները:
- 2.4. Կազմակերպությունը պարտավոր է.
 - 2.4.1. Կոմիտեի պահանջով տրամադրել Պայմանագրի կատարման ընթացքի վերաբերյալ անհրաժեշտ փաստաթղթեր և ընթացիկ տեղեկատվություն,

2.4.2. Պայմանագրով նախատեսված միջոցառումների իրականացման արդյունքում առաջացած տնտեսումները (խնայողությունները) վերադարձնել Հայաստանի Հանրապետության պետական բյուջե՝ ոչ ուշ, քան մինչև 2027 թվականի հունվարի 24-ը:

3. Պայմանագրի գինը

Պայմանագրի գինը կազմում է 150 630 100 (մեկ հարյուր հիսուն միլիոն վեց հարյուր երեսուն հազար մեկ հարյուր) ՀՀ դրամ, ներառյալ՝ ԱԱՀ:

4. Կողմերի պատասխանատվությունը

Կողմերը Պայմանագրով սահմանված պարտավորությունները չկատարելու կամ ոչ պատշաճ կատարելու համար կրում են պատասխանատվություն՝ ՀՀ գործող օրենսդրությանը համապատասխան:

5. Պայմանագրի գործողության ժամկետը

Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի ստանձնած պարտավորությունների՝ ամբողջ ծավալով կատարումը:

6. Անհաղթահարելի ուժի ազդեցությունը (ՖՈՐՄ-ՄԱԺՈՐ)

Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

7. Այլ պայմաններ

- 7.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:
- 7.2. Պայմանագիրը կնքվում է հավասար իրավաբանական ուժ ունեցող երկու օրինակով: Կողմերին տրվում է Պայմանագրի մեկական օրինակ:
- 7.3. Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

8. Կողմերի հասցեները, բանկային վավերապայմանները և ստորագրությունները

Բարձրագույն կրթության և գիտության կոմիտե

ք. Երևան, Օրբելի եղբայրների փողոց 22


Հ/հ 900011033140,

ՀՎՀՀ 02704199

ՀՀ ՖՆ կենտրոնական գանձապետարան

Գլխավոր քարտուղարի պարտականությունները

կատարող՝



(ստորագրություն)

ԿԱՐԵՆ ԲՈՐԻՍԻ ՂԱՐԻՅԱՆ



Կ. Տ.

ՀՀ ԳԱԱ «Հիմնարար գիտական գրադարան» ՊՈԱԿ

ք. Երևան, Մարշալ Բաղրամյան պողոտա 24/6

Հ/հ 900018005448,

ՀՎՀՀ 00009631

ՀՀ ՖՆ կենտրոնական գանձապետարան

Տնօրեն՝



(ստորագրություն)

ՄԱՅԱ ՀՈՎՀԱՆՆԵՍԻ ԳՐԻԳՈՐՅԱՆ



Կ. Տ.